

4. maj 2022

UPA2022/92

**Aalisartunut qaleralinnik paggatassiilluni aalisarnermik akuersissuteqartunut angallatip annerpaaffissaanik piunasaqaat 9 miiterimut qaffanneqassappat, aalisartunut iuniaqatigiinnullu sunniutissai pillugit Naalackersuisut misissueqqullugit peqquneqarnissaannik Inatsisartut aalajangiiffigisassaattut siunnersuut. Misissuinermit inernerit kingusinnerpaamik UPA2023-mi inatsisartunut agguanneqassapput.**

(Siumup inatsisartunut ilaasortaataitai)

Siunnersuut siusinnerusukkut Inatsisartunut qaqinneqarnikuvoq. Taassumallu kingunerisaanik Januar 2021-mi taamanikkut Aalisarnermut Piniarnermut Nunalerinermullu Naalackersuisumiit Pitsaaqutit ajoqutillu pillugit nassuiaat suliarineqarluni agguanneqarpoq.

Nassuiaammi tassani ajoraluartumik sinerissap qanittuani qaleralinniarneq eqqarsaatigalugu Sumiiffik 47 ilaatinneqanngilaq. Tassa ilaatinneqarsimasuuppat qularnanngitsumik siammasinnerusumik nalunaarusiorneq pisimassagaluartoq Siumumiit isumaqarpugut.

Ulluinnarni umiatsiaararsortut atugaat pillugit siunnersuutip oqariartuutaa tamakkiisumik taperserparput. Pingaartumik ungasiliarnermi silallu nillertinnerani pisariaqartumik inimik iserfigineqapallassinnaasumik umiatsiaararsortunut amigaateqartarneq paasinartorujussuvoq.

Ilisimavarput sinerissap qanittuani umiatsiaararsornermi innuttaasut amerlasuut inuussutissarsiutip taassumap ulluinnarni inuuniarnikkut atugaannut qitiulluinnartoq. Taamaattumillu mianeralugu allannguiniarneq ingerlanneqartariaqartoq, pisassaappata imaluunniit pisassat iluanni periutsinik allannguiniarnermiippata.

Umiatsiaararsortut eqqarsaatigalugit angissutsip 9 meterimoortunngortinnissaa eqqarsaatigalugu aammalu periarfissaqalernissaq initalimmik aalisarsinnaalernissaq qularnanngitsumik ulluinnarni atugaat eqqarsaatigalugit pitsaasumik alloriarfiusussaavoq. Tassami ilisimavarput aammalu tulaassuinnissaq eqqarsaatigalugu paggattumik aalisarnerup aqutsiveqarfanni tamani qanoq sukkatigisumik aalisarnerup ingerlalnissaa ilanngullugu nalilersorneqassasoq kissaatigaarput.

§37 naapertorlugu taamanikkut inatsisartuni ilaasortaasoq Kim Kielsen apeqquteqarnikuvoq uunga suliamut tunngatillugu imalimmik. Akineqarlunilu ulloq 7 Februar 2022 taamanikkut Aalisarnermut Piniarnermullu Naalackersuisuusumiit. Tassanilu akissummi erserpoq angallatit 9 meteri tikillugu pisassaateqartut 2021-mi 109-usut. Taakkualu pisassaataat 2.551.212 kg-luullutik. Taamaammat pisariaqarpoq kvotat taakkunanga pigineqartut, pigiinnarnissaannut aqqutissiuunneqartariaqarnerat nalunngilarpummi ilaatigut kvotinik pisiortornerminni aningaasarpassuarnik atuisartut. Taamaammat pitsaanerpaamik ikaarsarnermi isiginiarneqarnissaat avaqqunneqarsinnaanngitsutut isigaarput.

Naalackersuisut inassuteqaataat aalajangiiffigisassatut siunnersuutip akuerineqarnissaa nuannaarutigalugu suliaasaq ataatsimiititaliamut susassaartumut ingerlateqqipparput. Tassani sukumiisumik



suliarineqarnissaa, suliaqarnissanilu suleqataalluarnissarput qilanaaralugu taamatut  
Siumut sinnerlugu oqaaseqaateqarpugut.

Jens Kristian Therkelsen, Siumut